

SU MONTANARU

Su gentile invitu appu rezidu,  
Desulo a tie ringrazziu tantu  
e dae su paese de Santuidu  
acetta unu saludu in sardu cantu,  
promissa ti confirmu impar'unidu  
in sa gioia, in su dolore e su piantu,  
meste a coro su tema tantu caru  
e appa cantare su sardu montanaru.

Valaias a emigrare in Campidanu  
cun su bestiame in s'Iglesiente,  
dae s'atunzu finas a beranu  
tottu s'ierru intreu permanente,  
de sa tua dimora fiasa lontanu  
isetende sa die solamente,  
a fine beranile su momentu,  
pro torrare a su tou Gennargentu.

Orgogliosu finas in terra istranza  
c'aias in manu unu capitale,  
s'onesta zente amiga e cumpanza  
ti este sempre istada cordiale,  
finas in sas annadas mesu lanzas  
offertu a prodottu genuinu e naturale,  
allegrittu a s'imbrunire e manzanile  
torraias cantende a su coile.

Su pastoriu fi pro tie un'impresa  
ma non sempre cumpensadu de s'annada,  
mai contadu asa richesa  
ma solu classe triste il mentigada,  
e puru cun sa tua poveresa  
fi protetta sa campagna e rispettada,  
no comenteoe in d'ogni logu  
lutuosa incenerida de su fogu.

A narri cun coraggiu m'azzardu  
conta oe finidu ogni cumone,  
destinu fatale de su pastore sardu  
t'asa abbrazzadu s'emigrazione.  
Prega a deus a prestu a tardu  
pottasa arrivare a una pensione  
e ponza fine ogni pelea  
abbrazzende sa comunitade europea.

(La quercia)

TITO PISANO

SAN VITO